



THINK NAMIBIA
Sustainable Forest
Management

MBAPIRA YAMAPUKURURO KUHAMENA:

Vitumbukira vyakukushu- shuva vyavantu ovo vyakundama muNamibia

Mbapira yino kuna katapa mapukururo kuhamena mulyo wavantu ava vyakundama muNamibia.

LITWAROMO

Vantu ava vyakundama kwava fwaturura ashi va waneni mo uwa ndi vantu ovo va karo nashinka muvininke vyangandi, pano weno, vantu ovo va karo nashinka shawiya ntani viviyauka vyamuwiya. Vantu ava vyakundama kurughanena kumwe mukukeverera va tikite mo shitambo shalirughanito runone rwamuwiya munaruwa ashi vana vi kitita mo.

Vyakara mulyo unene mukukeverera ashi vantu ava vyakundama va kare navitumbukira vyakurughana muruha mukutikita mo vinka vyawo vyakushu-shuva. Liyovitoko vantu vyakundama nalihamitiro mo lyavyo kuvatera mukutulita po matokoro vyakuvyukilira ntani makuliko.

Vantu vyakundama vyakushu-shuva va kara namakukwamo ghavavene, likengururo mundjenditito kudemenena, ntani makuhamitiro mo ghakutwikida. Ndjenditito dino kuvhura kuditulita po mwakunkondopeka vitambo vyakuyenda kumeho ntani liyendito lyalikeverera wiya lyakudjira mo.


VITAMBO VYENE VYAVANTU VYAKUNDAMA MULIRUGHANITO WIYA MUNARUWA

Vantu vyakundama mulyo unene mukurughanita runone rwamuwiya munaruwa morwa:

- Vavo va rughanita vikuni ntani namarunone ghamwe ghamuwiya, mpo yina karereshi vavo kupangera maghulitiro kupitira mulitapero ntani nampumbwe.
- Vavo ruha rwamakuliko ndo lipulitiro likungo wiya ntani mavango ghamwe ghawiya ghakaro mulipopero.
- Vavo kukara ruha rumwe rwaliyendito ntjene kuna kutulita po mafanayiko ghalikungowiya.
- Kukuhamitira mulikeverera nalikonakono lyaukanguki wawiya ntani naliyendito, kukengurura matjilito ntani nampito.
- Kwakara navitumbukira vyakurughana matokoro mukuwapukurura matokoro ghalikungowiya.
- Kuvatera mukuyita po maliva ghalirughanito runone munaruwa.
- Vakara nashitumbukirwa shakutilita po nakutura muvirughana veta nandjenditito.
- Kukara nositumbukira sokutulisa po kumwe nokudilika noveta nonompangokwamo.

LIDIMBURURO LYAVANTU VYAKUNDAMA

Ntjene kuna kurughana mpito dakuhamitira mo vantu ava vyakundama, vyakara mulyo unene kudimbura kuwana vantu navantje ava vina kundama.



Shifanekwatjangwa 1: Ntambo dakukushu-shuva kuvantu ovo vyakundama

Kukwama lidimbururo, vyakara mulyo mukutulita po liyuvhoko kuhamena vitumbukirwa navirughana vyavawineni mo mauwa muvitundwamo.



LRM= Lirughanito Runone Munaruwa

Shifanekwatjangwa 2: Vinakugwanitapo vyo likuhamitiro mo lyavawanenimo mauwa

VANTU OVO VYAKUNDAMA VYAKUHAMENA WIYA, VINKA VYAVO NAVITUMBUKIRWA VYAWO

Mukukwama lidimbururo lyavantu ava vyakundama, vyakara mulyo unene mukuwana mavukito ghavitumbukirwa nakuvidimburura navantje. Likeverero wiya shirughana shakulikwatita shavantu ava vyakundama ava vakaro navinka vyakukushuvashuva navirughana mukutikitamo shitambo shalikeverero wiya.

Shitafura 1: Vitumbukira vyavantu vyakundama muliyendito wiya panamukunda (Directorate of Forestry, 2005)

	Mbereghe dakukushuva	Vitumbukirwa
Vantu ava vyakundama vamulyo	Liyendito lyarudi	<ul style="list-style-type: none"> Kutapa umpititi ntani mbapirapulitiro mukupulitira likungowiya. Kupulitira dimurudi dalikungo wiya. Kupititira likoshonono dimutangu mumpongatano.
	Liyendito lyawiya	<ul style="list-style-type: none"> Kukara vanyateli valitulitopo lyalikungowiya namakuyuvo naminista. Shitumbukira shavirughana vyakehe liyuva lipititiro, mafanayiko ntani litakamito lyavirughana lyalikungowiya.
	Mbereghe yalitakamito wiya	<ul style="list-style-type: none"> Kutapa virughana vyapambatero muwiya wampongatano. Kutinika veta dandjenditito yalitakamito wiya.

Kughupako vantu ava vyakundama vatungo mumakungowiya, mpovali ko nka vamwe vamulyo ava vyakundama vakaro navinka evi vavhura kurughana.

Shitafura 2: Vantu ava vyakundama vyamulyo mulitakamito lyawiya

Mbereghe dakushuva-shuva	Vitumbukirwa
Uministeli walikungo ntjitwe, wiya naudinguli	Kutapa manangwiro ghaveta ghalikungo ntjitwe pamunkunda nalikungo wiya.
Uministeli walivhu	Kukeverashi lipulitiro lyalikungo wiya kuna kulienda naveta yalivhu.
Uministeli waunandima namema	Kutapa mbatero kuproyeka yapiro kuhamena kuwiya nalirughanito livhu ntani kutapa manangwiro mudimuyangu dandodo proyeka.
Uministeli waveta	Kukengurura managwirro ghana kundamo litjangito lyalikungowiya ntani vyakuvhura kuguma mavango ghawiya ogho va popera.
Lipangero lyapamukunda	Kutapa makwatito ko kumakungowiya mukukeverera vikuyende namakuliko ghapantambo yamukunda.
Mbungakareli po dalitakamito ntjitwe (yira IRDNC, NNF)	Kutapa mbatero kumpongatano mukuyendita nakufanayika.
Univesiti nambunga damakonakono	Kutapa mbatero yamakonakono ntani deura yaliyendito lyawiya kuvayenditi vaviya navarughani vamwe vamulyo.

IRDNC = Integrated Rural Development and Nature Conservation; NNF = Namibia Nature Foundation

Nkondo dalipangero kuvantu vyakundama kuhamena wiya

Mbereghe yakarero po wiya naunisteli walikungo ntjitwe, wiya naudinguli kwakara nashitumbukirwa shakutakamita runone rwawiya rwashirongo ntani nkondo davantu mukurughanito ntani kuwana mauwa mwavyo. Vavo kuvirughana mukutulita po ndjenditito dakuverera lirughanito lyarunone rwawiya munaruwa.

Mbereghe yakarero po wiya kuvirughana vino vina kukwamako:

- Kutinika manangwiro ghakutikitamo veta yalikeverero wiya.
- Kutamununa mbatero kuvatungimo pamukunda.
- Kushimba virughana vyamakukwamo vyapantambo yashirongo, mulitakamito wiya, rambangako makonakono, makushongo, ntani deura.
- Kushimba virughana vyakehe liyuva vina kukuyenda naliyendito wiya.
- Kutulita po ndando dakuvyukilira kurunone rwamuwiya nambapirapulitiro.
- Kukeverera runone naunankondo kuvawaninimo mauwa murunone rwawiya.

Maudito ghalikuhamitiro mo mauwa mulirughanito wiya munaruwa

Maudito ghakuhamitiramo:

- Dimutangu mukatji kavantu vyakundama.
- Udito wamaraka, unene po kurughanena kudimukunda dakumambo.
- Vatungimo mukutambura ndjenditito dadipe odo va pira kuyiva.
- Kupira uyivi ndi uyivi wausheshu wambapira wapaveta.
- Maghayarero ghakupira kuvyukilira mukatji kavantu vyakundama kumeho vitompwera vi kashoroke.
- Mpo dakukushuva-shuva ndi makushongo ghakushuva-shuva kovo vyakundama.

Ndjenditito dadiwa kulikuhamitiro mo vantu ava vyakundama



Mukuwana vitundwamo vyaviwa likuhamitiro mo lyavantu ava vyakundama vyakara mulyo mukukeverera:

- Kunkondopeko kulita po mapukururo kunavantje, mukupulitira vantu ovo vyakundama navantje mukuva dimburura kuvarenka va kare ruha rwashirughana.
- Magwanakero ghakehe ruvede kuvantu ava vyakundama mukurenka kehe ghumwe a kare naushivi kovi vina kushoroko kulirughanito wiya munaruwa.
- Deura yalikupakerero opo pana karo hepero mukurenkera vantu ava vyakundama navantje va kare nauyivi ghaliyendito wiya munaruwa.
- Litapo mbatero yamaliva: Vantu ava vyakundama vana hepa kuwana mpito yambatero yamaliva, ovyo vivhuro kukwatitako liyendito wiya munaruwa proyeka yi kare yayireru mukoka kumwe nambatero damaliva dimwe.



Makugwanekero
ghapampepo R10i
mahina patjangwa

Vigongi vya vatungimo ndi
vigongi vyakuhulita mwaka



Kutura nombunga
doyigongi

NDJENDITITO DAKUHAMITIRAMO NAKUTIKITA KU VANTU AVA VYAKUNDAMA




Mapuraghero namakonakono

Mbapira dambudi ndi
mapukururo ghatjangwa



Radio na Televisi




Shifanekwatjangwa 3: Ndjira dayivikwa mukuhamitiramo ndi kutika kuvantu vyakundama ghakushuva-shuva

NDJENDITITO DALIKUKWATAKANO KUMWE NAVANTU OVO VYAKUNDAMA

Ukwawo ndi liruganeno kumwe vyakara mulyo unene kuvantu ava vyakundama vyawiya, morwa kulivatera kuyititapo ndjira yauyivi, runone rwamaliva ntani likutapatano lyampito.



Shure dakumambo kuvhura di ghupe maruyendo mulikungo wiya nakughupa virughana vyakukwata namavoko mulivango mukulironga litateko lyaliyendito wiya mumwaka dawanuke.



Vaweki mandi ghamararo ntani mavango ghaudinguli kuyita vaghuli va vitungaura, vishongaura namuyangu wakatundilira murunone rwamuwiya.



Maliva ntani vatapi mbatero kuvhura kuvawana muwane mbatero yamaliva kumakukwamo ghamwe ghaliyendito lyawiya ndi viviyauka.

NDJENDITITO YALIKUKWATAKANO EYI YA YIVITO MAUWA MULIYENDITO WIYA MUNARUWA



Vanangeshefa makungowiya kuvhura kupa vanangeshefa muyangu kuanangeshefaghona wakatunda muwiya vaka ulite.



Univesiti namberegho dakurughana makonakono kukara virughanito mukutapa mbatero navivaruro vyawiya nakuyitita po ndjenditito dalikeverero.



Uministeli walipangero. Mberegho dadingi dalipangero naUministeli ntani mberegho peke dapumbwo mukukeverera litikito mo lyaveta paveta.

Shifanekwatjangwa 4: Malikukwamo ghalikukwato kumwe mukuvatera liyenditowiya

LISHAYERO

Shirongo yira Namibia, Litakamito Lyarunone Nantjitwe Pamukunda (LLNP) makukwamo ghaweke udjuni, vyakara mulyo unene vyalikuhamitiro mo lyalinene lyavantu ava vyakundama mulikuliko lyamakukwamo ghaliyendito wiya, mukukeverera ashi kuna kuyenda namakukwamo ghakaro po kare ghaLLNP. Likuhamitiro mo lyavantu ava vyakundama vavangi ngali nkondopeka magwanekero pakare likeverero lyalinene muliyendito wiya munaruwa.

LITOROKO LYANKANGO

Litakamito Lyarunone Nantjitwe Pamukunda (LLNP) [Community Based Natural Resources Management (CBNRM) programme]:

Ndjenditito yakupulitira vatungimo pamukunda mukukuhamitira pakuvyukilira mulitakamito naliyendito lyarunone rwawiya mukunkondopeka makuliko kughupa po ndjara nakuwana viyeramo.

Vantu ava vyakundama [Stakeholder]:

Muntu pamundinda ndi mberegho dakushuva-shuva dakara navinka mungeshefa ndi proyeka. Kuvhura yiva kundame mwamuwa ndi vivakundame mwamudona virughana vyaproyeka, apano vyokuhama virughana vina kukuyendo nawiya.

Lirughanito runone rwamuwiya munaruwa [Sustainable Forest Management]:

Liyendito lyawiya mundjira yakushetakanita viyeramo, vikwaunangeshefa ntani likonomi virughana vyaviyeramo vyakutundilira muwiya.

MAPUKURURO GHAKUWEDAKO

Directorate of Forestry, 1996. *Namibia forestry strategic plan: Forest biodiversity for present and future generations*. Ministry of Environment and Tourism, Windhoek.

Directorate of Forestry, 2005. *Community forestry guidelines*. Ministry of Agriculture, Water and Forestry, Windhoek.

Emtage, N. F., 2018. *Stakeholder's roles and responsibilities in the community-based forest management program of the Philippines*. The University of Queensland, Australia.

NAFOLA Project, 2018. *Promoting sustainable land management through effective management of community forests*. Directorate of Forestry, Windhoek.

'Promoting Sustainable Forest Management in the Kavango-Zambezi-Region in Namibia'



This project is funded by the European Union

Mutjangi: Miya Kabajani

Shitarara 2021

Mutoroki: Thomas Muronga (Rumanyo)



MBUDI DA KU WEDA KUDI WANA KU PROYEKA YANSFM:

Hanns Seidel Foundation (HSF) Namibia, House of Democracy
70-72 Dr Frans Indongo Street, Windhoek West; P.O. Box 90912, Klein Windhoek, Windhoek, Namibia

Tel: +264 (0) 61 237 373 Email: sustainability@hsf.org.na www.thinknamibia.org.na



facebook.com/thinknam



twitter.com/thinknamibia



instagram.com/thinknamibia/